

۱۱ ایتمادیکمی سن دخی پک ایو بیلورسن * ایمدی اگر غدر صاحبی اولوب قتله مستحق بر شی ایشلدم ایسه اولمکدن قاچم اما اگر بونلرک بنی اتهام ایتدکری شیلرک بر اصلی یوق ایسه رضایینه بر کسنه بنی ۱۲ تسلیم ایده مز • قبصره رفع دعوا ایدرم دیدی * او زمان فستوس دیوان ایله مذاکره ایدوب قبصره رفع دعوا ایتدک قبصره کیده جکسن دیدی •

۱۳ و بر قاچ کون مرورند نصکره اغریپاس ملک ایله بر نیقه فستوسی ۱۴ سلامغه قبصریه واصل اولوب * اوراده وافر ایام اکلندکلرنده فستوس پولوسک قصه سنی ملکه افاده ایدوب دیدیکه فلیکسندن ۱۵ محبوس بر اقلش بر ادم بولنوب * بن قدسده ایکن یهودیلرک باش کاهنلری ایله اختیارلری اکا دائر بکا اعلام ایدوب علیهنده حکم ۱۶ طلب ایتدیلر * بندخی جوابا دعواجی ایله مر افعه اولوب تمهتلو اولدیغی نسنه ره دائر کندی اثبات برائتنه رخصت المزدن اول متهم ۱۷ بر ادمی قتله تسلیم ایتک رومالورک عادتی دکلدر (دیدم) * ایمدی انلر بوراده جمع اولدقده بلا تأخیر ایرتسی کون محکمه کرسه بنده ۱۸ اوطوروب اول ادمک جلب اولمنسنى امر ایتدم * دعواجیلری دخی حاضر اولدقلری حالده مأمول ایتدیکم جرملرک بریسنى اکا اسناد ۱۹ ایده مدیلر * انجق کندی دینلرینه و پولوسک دیری در دیدیکى وفات ایتش عیسی نام بر کسنه یه دائر انک علیهنده بعض مسئله لری وار ۲۰ ایدی * ایمدی بو دعوانک فصلی خصوصنده بن شهیده اولمغه اگر استرسه اورشلیه واروب بو شیلراچون اوراده محاکمه اولنسون دیدیکم ۲۱ کی * پولوس اوغسطوسک حکمنه کندنک حفظ اولمنسنى رفع دعوا ایتکله تابن انی قبصره یوللا نیجه دک توقیف اولمنسنى امر ایتدم